

# Vuk'uzenzele

**JOBS  
INSIDE:**

Produced by Government Communications (GCIS)

English/Sepedi

| Dibokwane 2019 Kgatišo 1

## 300 new nurses, thanks to stimulus package



■ **Jubilations! Nurses celebrate the good news of their employment, thanks to President Cyril Ramaphosa's stimulus package.**

**N**ompumelelo Majola recently had to deal with the sorrow of burying her 65-year-old mother who had succumbed to a long illness.

On the day of the funeral, she received a phone call from the KwaZulu-Natal Department of Health telling her that her application to work as an Enrolled Nursing Assistant had been successful.

"I could not believe it," she said. She had spent the past 13 years struggling to find permanent employment.

Majola who originates from Mbumbulu, now works at the Prince Mshi-

yeni Memorial Hospital in Umlazi in Durban.

"I'd like to thank President Cyril Ramaphosa and MEC Dr Sibongiseni Dhlomo for making our dreams come true," she said.

The employment of the nurses was part of the stimulus package, which was announced by President Ramaphosa. It aims to boost the public health sector through the creation of more than 5 300 jobs throughout the country.

The provincial depart-

ment is also finalising the appointment of porters, general orderlies, pharmacy assistants and artisans.

Another newly appointed nurse Gugu Mdlalose, from KwaMashu, who has been placed at Wentworth Hospital, said: "This was going to be my 14th year of not working since qualifying as a nurse. I am extremely grateful to Bab' Ramaphosa and the entire health team," she said, fighting back tears.

● **Cont. page 2**



**Youth  
Employment  
Service already  
changing lives**

**Page 6**



**Innibos Craft  
Awards now open  
for entries**

**Page 16**



**ALSO AVAILABLE ON:**



@VukuzenzeleNews

Vuk'uzenzele

Websites: [www.gcis.gov.za](http://www.gcis.gov.za)

[www.vukuzenzele.gov.za](http://www.vukuzenzele.gov.za)

E-mail: [vukuzenzele@gcis.gov.za](mailto:vukuzenzele@gcis.gov.za)

Tel: (+27) 12 473 0353

**Free Copy**



# Go dira dikgopelo tša mošomo ka inthanete go nolofaditšwe

**KA THAKGOLO** ya *e-Recruitment*, mmušo o bontšhitše boikgafo bja wona go kaonafatšeng maphelo a bafsa le a dialoga.



■ Ka go kgotla fela konope maAfrika Borwa bjale ba tla kgona go dira dikgopelo tša mešomo mafapheng a mmušo ka inthanete.

**B**atho bao ba nyakago mošomo kgauswanyana ba tla kgona go dira dikgopelo tša mešomo ya mmušo ka mokgwa wa *e-Recruitment* woo o thakgotšwego ke Tona ya Ditirelo tša Setšhaba le Taolo Ayanda Dlodlo. Tona o rile mokgwa wa *e-Recruitment* o tsentshwa mošomong gomme o tla thoma ka Kgoro ya Ditirelo tša Setšhaba le Taolo (DPSA) gomme kgauswanyana o tla fetišetšwa ditirelong ka moka tša setšhaba.

“Mokgwa wa *e-Recruitment* ke karolo ya tshepetšo ya mmušo ye e phatlaletše-

go go dira gore go be boleta le bonolo, kudi go bafsa, go dira dikgopelo tša dibaka tša mešomo ka ditirelong tša setšhaba.

“Tshepetšo e tla akaretša gape tshekatsheko ya melawana ya legato la go tse-na mešomong ya ditirelo tša setšhaba go dumelela kalatšo ya bao ba thomago mošomo ntle le maitemogelo a pele ka mešomong ya legato la go tsena, “Tona Dlodlo a realo.

O rile go kgonthišetšwe gore ditshepetšo tša gona-bjale tša kalatšo di bothata go bao ba nyakago mešomo gomme dikgoro tša mmušo

ga se tša sepela goba go fetoga le diphetogo tša dikaonafatšo tša theknolotši.

“Go bao ba nyakago mošomo, mokgwa wo mofsa wa *e-Recruitment* o tla ba hola ka gore o theilwe wepsaeteng gomme o fihlelelwa go tšwa mafelong a go fapana go bao ba nyakago mošomo gomme ba romela dikgopelo tša bona go datapeisi yeo e kopantšwego,” a realo.

Tona o rile mokgwa wa o tla thuša badiradikgopelo go romela Mangwalo a bona a go kopa Mošomo le ditokumente tseo di a thekgago ka nako ye tee gomme tshepetšo e tla ba

bolokela ditshenyagelo tša go dira dikopi tše dintši tša dikgopelo.

“Go bohlokwa go gatelela gore dikgopelo tša mešomo ya mmušo di sa tlo tlatšwa difomong tša Z83 gomme bao ba se nago inthanete ba ka romela dikgopelo tša bona ka sebele gomme fomo ye e tla ba gona ka mokgwa wa titšitale go kgontšha gore dikgopelo di dirwe bonolo le go dirwa ka bjako go bao ba nago le inthanete,” a realo.

Tona o rile kholego ya dikgoro tša mmušo ke gore mokgwa wo o ba dumelela go kwalakwatša mešomo

have brought tears of joy.” Dr Dhlomo said the nurses have been sitting at home for over 14 years. “These are the nurses who are at the bottom of the ladder of the nursing profession, but they mean so much to our people.”

“We hope by injecting 300 new nurses into the system, we’re going to bring meaning in terms of quality of service to our people.”

## ● From page 1

MEC Dhlomo expressed his heartfelt gratitude to President Ramaphosa for the stimulus package, saying that its beneficiaries will be the vast majority of the population who rely on the State for their health needs – particularly those in far-flung areas. “Today, there are 300 families who have breadwinners. These nurses



■ KwaZulu-Natal Health MEC, Dr Sibongiseni Dhlomo, comforts new nurse Nompumelelo Majola, whose mother recently passed away.

ka mokgwa wa elektroniki ka gona ba fokotša ditshe-nyagelo tša mokgwa wa gonabjale wa go kwalakwatša dikuranteng.

Tshepetšo ye e hlabolotšwego ke maitapišo ao a kopanetšwego gare ga DPSA le Kgoro ya e-Government ya Gauteng.

Kgoro ya e-Government ya Gauteng e aba methopo ye e nyakegago go sepediša mokgwa, mola Mokgatlo wa Theknolotši ya Tshedimošo ya Mmušo o dirišana ka go thoma mabokgoni a hlabollo ya mananeokgoparara le mešomo ya sethekniki.

**SAnews.gov.za**



**government communications**

Department: Government Communication and Information System  
REPUBLIC OF SOUTH AFRICA

Tel: (+27) 12 473 0089

E-mail: vukuzenzele@gcis.gov.za

Address: Private Bag X745, Pretoria, 0001

Head of Editorial and Production  
Tasneem Carrim | tasneem@gcis.gov.za

Editor-in-Chief  
Roze Moodley | roze@gcis.gov.za

Managing Editor  
Ongezwa Mogotsi  
ongezwa@gcis.gov.za

News Editor  
Noluthando Motswai

Writers  
More Matshediso  
Jauhara Khan

Senior Designer  
Tendai Gonese

Language Practitioners  
Nomgcibelo Motha  
Boitumelo Phalatse  
Phakamani Dadlana

**Vuk'uzenzele**  
is published by Government Communications (GCIS)

Printed by: **paarlcoldset**

All rights reserved. Reproduction of the newspaper in whole or in part without written permission is strictly prohibited.

Distributed by: **ON THE DOT**



# Go thoma lefsa ga Afrika Borwa

Dale Hes

**N**gwaga wo tee fela wa go feta, Mopresidente Cyril Ramaphosa o etile pele go thoma lefsa ga Afrika Borwa ka morago ga go tsena ka ofising, Mopresidente o abile Polelo ya Maemo a Setšhaba (SoNA) yeo e tlišitšego tshepo, lethabo le boitshepo go dimilione tša batho bao ba bego ba e lebeletše nageng ka moka. Go be go na le maikutlo a go tsenelela a lethabo go SoNA. Go a swanela gore polelo ye e abilwe ka Ngwagagolo wa Nelson Mandela: e sa le go tloga mola temokrasi e thoma-go ka Afrika Borwa ga se nke go letelwa tše dintši ka tsela ye go tšwa go mopresidente. Eupša polelo ya Mopresidente Ramaphosa e tsene megopolong ya setšhaba ka moka sa Afrika Borwa. E kgwathile ditaba tša bohlokwa tšeo naga e lebanego le tšona; ya šišinya ditharollo tša bohla; gomme ya bontšha boikgafo bja nnete mo go ageng Afrika Borwa ye kaone.

## Dikarolo tša nepišo tša SoNA ya 2018

Go swana le di-SoNA tše dintši tšeo di tlilego pele, ditaba tša tlhlo ya mešomo, kgolo ya ekonomi, kimollo ya bohloki, thuto, tlhokomelo ya maphelo, mpshafatšo ya naga, tekatekano ya bong le go lwantšha bosenyi le bomenetša di tšwelela godimo lenaneong la SoNA ya 2018. Mopresidente Ramaphosa o

rile nako ye, le ge go le bjalo, ke ye nngwe ya tswalo lefsa yeo e feletšego ya Afrika Borwa. Yeo e tlogo nyaka legato le lefsa la tharollo.

“Re filwe maikarabelo a go aga naga ye mpsha, go hlohla go hloka toka ga nako ya go feta le go se lekalekane gonabjale. Re laetšwe go dira bjalo ka fase ga maemo a boima”.

## Go hlola mešomo

Gare ga kimollo ya bohloki, tlhlo ya mešomo e be e le ye nngwe ya ditaba tša mathomo tšeo di tšweleditšwego ke Ramaphosa mo polelong ya gagwe.

“Re filwe maikarabelo a go aga naga ye mpsha, go hlohla go hloka toka ga nako ya go feta le go se lekalekane ga gona bjale.”

“Mo gare ga lenaneo la rena la setšhaba la 2018 ke tlhlo ya mešomo, kudu ya bafsa,” gwa realo Ramaphosa.

Ge tlhokego ya mešomo e oketšega ka Afrika Borwa, Mopresidente o gateletše tlhokego ya tšhoganetšo ya go hlola mešomo ka ditekanetšo tše mmalwa. Tsebišo ya Samiti



ya Mešomo ya Mopresidente, yeo e tla amago dipoledišano gare ga lekala la setšhaba, kgwebo le setšhaba sa segae, e amogetšwe ka borutho.

E bile mathomong a Diphlane, Samiti e bontšhitše e na le mohola mo go tšweletšong ya leano la tlhlo ya mešomo. Tumelelano ya tlhako yeo e saenwego mo samiting e hlaloša ditsenogare tše di nepišago tša go feta 70 tšeo, gare ga dilo tše dingwe, di tla kaonafatšago senyakwa sa gae, ya oketša le go godiša dikišontle, ya hlola ditsela tša bafsa mešomong le go hlabolla makala a go swana le temo, tšweletšo, meepo le ekonomi ya dilahlwa.

Ge kudu bafsa ba amilwe ke tlhokego ya mešomo, Mopresidente Ramaphosa ka bjako o beile pele mananeo ao a tla holago bona. Tirelo ya Thwalo ya Bafsa (YES) e thakgotšwe mo dikgweding tše pedi morago ga SoNA ya

2018, gomme e aba mokgwa wo o hlabollotšwego wa dikgwebo go thwala bafsa gore ba ithutela mošomo gomme ba lefelwa. Mo mafelelong a 2018, palomoka ya dikhamphani tše 266 di be di saenne lenaneo la YES, gomme bafsa ba 5 500 ba be ba tsentswe lenaneong.

## Go kaonafatša ekonomi

Ekonomi ya Afrika Borwa e dutše e itemogela kgolo ya go nanya, ya ba ya wa lebakanyana mo mathomong a 2018. Tshepo ya babeeletši e be e dula e le fase, gomme makala a godimo a bohlokwa a be a sa hwetše thekgo yeo a e hlokago go kgatha tema mo ekonoming.

Go sepelelana le tlhabataba ye ya go thoma lefsa, Mopresidente Ramaphosa ka bjako a thoma lesolo le la dipeeletšo. O thwetše boemedi bja go ikgetha go mo thuša go kakanyo ya go goketša R1.2 trilion e ya dipeeletšo ka 2023. Mopresidente Ramaphosa o sepetše gape go dikologa lefase go buša tshepo ya dinaga tša ka ntle mo go beeletšeng ka Afrika Borwa.

Leselo le feletše Khonferenseng ya Dipeeletšo ya Afrika Borwa ka Diphlane, moo Mopresidente a tšebišitšego gore tšhelete ye e ka bago R290 bilione ya dipeeletšo e tshepišitšwe, go tlaleletša R400 bilione yeo e tshepišitšwego ke dinaga tšeo di etetšego nakong ya lesolo la dipeeletšo. Go

akantšwe gore dipeeletšo tše di tla oketša R330 bilione go GDP ya Afrika Borwa ka 2024, gomme ya hlola mešomo ye 275 000 ka ngwaga.

Tlhohleletšo ya ekonomi ya Mopresidente Ramaphosa le leano la kaonafatšo le utollotšwe bjalo ka tsenogare ya motheo ye nngwe go tloša bothata bja ekonomi ya Afrika Borwa.

E tsebišitšwe ka Lewedi, sehlopha se tshepišitše go potlakiša ditshenyagelo tša mananeokgoparara, kaonafatšo dikgokaganong tša megala le makala a meepo, phethagatšo ya diprotšeke tše di kopanetšwego tša setšhaba le tša praebete le go nolofatša molao wa visa woo o tla dirago gore go be bonolo go dikhamphani tša boditšhabatšhaba go dira kgwebo le Afrika Borwa.

## Go tumola bomenetša ka medu le go matlafatša taolo ya mmušo

Mopresidente o bontšhitše boikgafo bjo maatla mo go tumoleng bomenetša ka medu ka mmušong le ka dikgwebong tšammušo. Khomišene ya dinyakišišo ka ga go thopša ga mmušo e thomile kgauswanyana ge a se na go ba ka ofising, kamoka le dikhomišene tša dinyakišišo ka go Eskom le ka go SARS.

Go fetoša ga dibopego tša boetapele mo go dikgwebo tša mmušo e bile taetšo ye nngwe ya nepo ya Mopresidente mo go lwantšheng bomenetša le mo go tlišetšeng taolo. **V**



■ Lenaneo la YES ke kgopolo ya Mopresidente Ramaphosa bjalo ka tsela ya go bulela mešomo ya bafsa.